

Z A P I S N I K

sa XVI redovne Skupštine Udruženja poslodavaca u FBiH, održane dana 11.04.2017. godine u 11:30h, u Hotelu Holiday, Sarajevo

Skupštinu je otvorio predsjednik Skupštine, Marinko Gilja i uputio uvodnu riječ dobrodošlice članovima Skupštine.

Prije nego što je predložio dnevni red, predsjednik je zamolio Mladena Pandurevića, direktora UPFBiH da se obrati.

Direktor Pandurević je pozdravio prisutne i obavijestio ih da je na Skupštini prisutna i delegacija Biznis konfederacije Makedonije i da im, prije nego što se započne sa predviđenim tačkama dnevnog reda želi uručiti priznanje „Povelja UPFBiH“, za dugogodišnju saradnju, te izuzetan doprinos razvoju i afirmaciji Udruženja.

Zatim je pozvao Mileta Boškova, jednog od delegata Biznis konfederacije Makedonije da se obrati.

Boškov je istakao da su članovi Udruženja zaslužili da budu nosioci ekonomskog rasta u BiH i zahvalio se na priznanju.

Predsjednik Skupštine je predložio da se prije usvajanja dnevnog reda izvrši izbor verifikacione komisije.

Za članove komisije predložene su Vesna Smajlović i Vedrana Živković. Zadatak komisije je da prema listi prisutnih utvrdi da li ima potreban kvorum za rad.

Obirom da nije bilo novih prijedloga donesen je sljedeći

ZAKLJUČAK: Prijedlog da Vesna Smajlović i Vedrana Živković budu članovi verifikacione komisije usvojen je jednoglasno.

Predsjednik je zamolio verifikacionu komisiju da izvjesti Skupštinu koliko prisutnih delegata ima na Skupštini.

Prema izvješću verifikacione komisije predsjednik Skupštine je konstatovao da je na Skupštini prisutno 46. delegata, ističući da delegati još pristižu i da ovo nije konačan broj.

Obzirom da je prema članu 26. Prečišćenog teksta Statuta kvorum za rad 2/3 (najmanje 40) prisutnih članova, konstatovano je da Skupština može punovažno odlučivati.

Predsjednik Skupštine je predložio sljedeći:

DNEVNI RED

1. Izbor verifikacione komisije, zapisničara i ovjerivača Zapisnika

2. Razmatranje i usvajanje Zapisnika sa XV redovne Skupštine UP FBiH

3. Razmatranje i usvajanje

a. Prijedloga Izvještaja o radu UO UPFBiH za 2016. godinu (izvjestioc: Adnan Smailbegović, predsjednik UO)

b. Prijedloga Izvještaja delegacije ESV- a za teritoriju FBiH 2016. godinu, (izvjestioc: Adnan Smailbegović, predsjednik UO)

c. Prijedloga Finansijskog izvještaja UPFBiH za 2016. godinu, (izvjestioc: Mladen Pandurević, direktor UP FBiH)

d. Prijedloga Programa rada UPFBiH za 2017. godinu, (izvjestioc Adnan Smailbegović, predsjednik UO)

e. Prijedloga Finansijskog plana UPFBiH za 2017. godinu, (izvjestioc: Mladen Pandurević, direktor UP FBiH)

4. Razrješenje člana delegacije u Ekonomsko-socijalnom vijeću i imenovanje novog člana

5. Razno

Upoznao je delegate da su za sve tačke dnevnog reda dobili materijale i zamolio ih da se izjasne da li prihvataju predloženi dnevni red.

Obzirom da nije bilo primjedbi i novih prijedloga donesen je sljedeći

ZAKLJUČAK: Dnevni red je jednoglasno usvojen.

RASPRAVA PO TAČKAMA DNEVNOG REDA

Tačka 1. Izbor zapisničara i ovjerivača Zapisnika

Predsjednik Skupštine je predložio da zapisničar bude Jasmina Kurspahić, a ovjerivači Zapisnika Željko Marijanović i Vejsil Huremović.

Obzirom da nije bilo primjedbi donesen je sljedeći

ZAKLJUČAK: Prijedlog da zapisničar bude Jasmina Kurspahić, a ovjerivači Zapisnika Željko Marijanović i Vejsil Huremović usvojen je jednoglasno.

Tačka 2. Razmatranje i usvajanje Zapisnika sa XV redovne Skupštine UP FBiH

Predsjednik Skupštine je napomenuo da su svi dobili Zapisnik u materijalima i stavio isti na glasanje.

Obzirom da nije bilo primjedbi donesen je sljedeći

ZAKLJUČAK: Zapisnik sa XV redovne Skupštine UPFBiH usvojen je jednoglasno.

Tačka 3. Razmatranje i usvajanje

a. Prijedloga Izvještaja o radu UO UPFBiH za 2016. godinu (izvjestioc: Adnan Smailbegović, predsjednik UO)

b. Prijedloga Izvještaja delegacije ESV- a za teritoriju FBiH 2016. godinu, (izvjestioc: Adnan Smailbegović, predsjednik UO)

c. Prijedloga Finansijskog izvještaja UPFBiH za 2016. godinu, (izvjestioc: Mladen Pandurević, direktor UP FBiH)

d. Prijedloga Programa rada UPFBiH za 2017. godinu, (izvjestioc Adnan Smailbegović, predsjednik UO)

e. Prijedloga Finansijskog plana UPFBiH za 2017. godinu, (izvjestioc: Mladen Pandurević, direktor UP FBiH)

Predsjedavajući je predložio da podtačke a) do e) razmatraju zajedno, a nakon toga da se izvrši pojedinačno izjašnjavanje o svakoj od njih.

Predsjedavajući je pozvao predsjednika UO Adnana Smailbegovića da izvjesti prisutne o podtačkama a), b) i d).

U svom izvještavanju predsjednik UO UPFBiH Adnan Smailbegović je istakao da je Udruženje svoju cjelokupnu aktivnost u protekloj godini kao i u prethodnim godinama zasnivalo na nastojanjima za ostvarenje sljedećih ciljeva:

- Stvaranje adekvatnog poslovnog ambijenta koji će omogućiti stabilno poslovanje naših članica, razvoj i punu zaposlenost;
- Poboljšanje postojeće zakonodavne regulative te novih zakonodavnih inicijativa;
- Smanjenje fiskalnih i parafiskalnih nameta poslodavcima;
- Suzbijanje sive ekonomije;
- Aktivno učešće u tripartitnom ekonomskom-socijalnom dijalogu;
- Jačanje materijalnih, kadrovskih i organizacionih kapaciteta Udruženja.

Nabrojao je i neke od najznačajnijih aktivnosti Udruženja u 2016. godini:

- Aktivno učešće u reformama radnog zakonodavstva;
- Priprema amandmana na zakone (na ukupno 20 zakona pripremljen je 151 amandman);
- Učešće u tripartitnim sastancima;
- Potpisivanje granskih kolektivnih ugovora;
- Pripremanje i upućivanje brojnih inicijativa;
- Osnovana je Grupacija poslodavaca Tuzlanskog kantona;

- Potpisan sporazum o osnivanju Ekonomsko - socijalnog vijeća za područje ZDK;
- UPFBiH je postalo partner na nekoliko značajnih projekata;
- Održani su i redovni sastanci sa resornim ministarstvima povodom donošenja aktuelnih zakona iz njihovih nadležnosti, sastanci sa MMF - om i Svjetskom bankom na temu radnog zakonodavstva, Općeg kolektivnog ugovora i porezne politike, kao i dani otvorenih vrata Razvojne banke u svih 10 kantona;
- Održane su i brojne konferencije i okrugli stolovi;
- Udruženje poslodavaca FBiH uputilo je otvoreno pismo čelnicima političkih stranaka u FBiH u kojem se traži aktivnije djelovanje lidera političkih stranaka u procesu donošenja reformskih zakona;
- Potpisan sporazum o saradnji između Akademije nauka i umjetnosti BiH i Udruženja poslodavaca FBiH;
- Podnešen zahtjev za ocjenu ustavnosti Zakona o porezu na dobit iz 2016. godine;
- Dopis premijeru Vlade FBiH zbog zabrane plasmana proizvoda iz FBiH u RS.

Što se tiče Izvještaja delegacije ESV- a za teritoriju FBiH za 2016. godinu, predsjednik UO UPFBiH Adnan Smailbegović napomenuo je da se pomenuti izvještaj mogao pronaći u materijalima, te izvjestio članove Skupštine o broju održanih sjednica ESV-a, tačkama dnevnog reda i zakonima na kojima se radilo.

Zatim se osvrnuo na prijedlog Programa rada UPFBiH ističući da će Udruženje svoju cjelokupnu aktivnost u ovoj godini zasnivati na nastojanjima za ostvarenje sljedećih ciljeva:

- Dosljednog provođenja mjera za rasterećenje privrede;
- Provođenje mjera za unaprijeđenje poslovnog ambijenta koji će omogućiti stabilno poslovanje naših članica, razvoj i punu zaposlenost;
- Suzbijanje sive ekonomije;
- Zaključivanje Granskih kolektivnih ugovora, koji još nisu zaključeni;
- Provođenje mjera za smanjenje javne potrošnje;
- Provođenje mjera za poboljšanje likvidnosti;
- Promocija poduzetništva;
- Jačanje materijalnih, kadrovskih i organizacionih kapaciteta Udruženja.

Istakao je da će se i dalje raditi na poboljšanju poslovnog ambijenta kroz saradnju sa Razvojnou bankom, kroz poticaje pri zapošljavanju, izmjene zakona, zatim će se raditi na rasterećenju privrede kroz ciljano povećanje PDV-a na račun smanjenja dobrinosa.

Također je neophodno raditi i na reformi obrazovnog sistema, postpisivanju granskih kolektivnih ugovora koji još uvijek nisu potpisani, te na drugim brojnim aktivnostima koje se namjeravaju ostvariti u 2017. godini, a koje su dostupne u materijalima dostavljenim svim članovima Skupštine.

Nakon što je predsjednik UO UPFBiH završio svoje izlaganje predsjednik Skupštine pozvao je direktora UPFBiH Mladena Pandurevića da izvjesti prisutne o podtačkama c) i e).

Direktor je upoznao članove Skupštine da je prijedlog finansijskog izvještaja javan i transparentan i da se nalazi na web stranici UPFBiH.

Osvrnuo se na prihode i rashode Udruženja u 2016. godini.

Istakao je kako su ostvareni veći prihodi u 2016. nego u 2015. godini, a bitno su smanjeni troškovi poslovanja, te da je zabilježen značajan pad naplate članarine.

Objasnio je i zašto su pojedine kategorije u finansijskom izvještaju veće nego ranije.

Upoznao je prisutne i sa revizorskim izvještajem, u kojem je ovlaštenu revizor dao pozitivno mišljenje.

Što se tiče finansijskog plana za 2017. godinu istakao je kako je napravljen ambiciozan plan, koji je već početkom godine počeo da se realizira.

Naglasio je da je planirano da se aktivnije radi na naplati članarine kako bi se obezbijedilo dovoljno sredstava za angažovanje stručnih ljudi koji će u interesu članica UPFBiH davati svoje prijedloge kako da se poboljšaju zakonska rješenja i cjelokupan poslovni ambijent.

Planirano je da se nastavi i na promociji Udruženja i eksponiranju u javnosti putem PR usluga, kao i na brojnim projektima.

Nakon izloženog, Predsjednik Skupštine je otvorio diskusiju.

Za učešće u diskusiji javila se Azema Mulasmajić iz Natron Hayata. Istakla je kako je neophodno ubrzati aktivnosti na rasterećenju privrede i u Program rada za 2017. godinu uvrstiti i reformu penzijsko-invalidskog osiguranja.

Vladimir Franjić iz firme Meridijan je rekao da je neophodno raditi na povećanju članica i na strukturi Udruženja, na način da se osnuju općinska i gradska Udruženja i da postoji jedna piramida, dakle Udruženje na nivou države, entiteta, kantona, grada i općina.

Branu Vujičić je istakao važnost za nastavak rada Asocijacije na državnom nivou i neophodnost vođenja socijalnog dijaloga na državnom nivou.

Nakon diskusije predsjedavajući Skupštine je stavio Prijedloge materijala na glasanje i nakon glasanja konstatovao sljedeće

ZAKLJUČKE:

A.D. 3.a. Izvještaj o radu UO UPFBiH za 2016. godinu je jednoglasno usvojen u predloženom obliku.

A.D. 3.b. Izvještaj delegacije ESV- a za teritoriju FBiH 2016. godinu je jednoglasno usvojen u predloženom obliku.

A.D. 3.c. Finansijski izvještaj UPFBiH za 2016. godinu je jednoglasno usvojen u predloženom obliku.

A.D. 3.d. Program rada UPFBiH za 2017. godinu je jednoglasno usvojen uz primjedbu Azeme Mulasmajić da se u Program rada uvrsti Zakon o Penzijskom i invalidskom osiguranju.

A.D. 3.e. Finansijski plan za 2017. godinu je jednoglasno usvojen u predloženom obliku.

Tačka 4. Razrješenje člana delegacije u Ekonomsko-socijalnom vijeću i imenovanje novog člana

Direktor UPFBiH Mladen Pandurević upoznao je članove Skupštine da Midhat Terzić nije više direktor Sarajevo osiguranja i da više ne radi u Sarajevo osiguranju, te da je UPFBiH obavijestilo o tome Udruženje društava za osiguranje u FBiH i Grupaciju poslodavaca iz oblasti finansija.

Grupacija poslodavaca iz oblasti finansija predložila je Ivana Luburića (Croatia osiguranje) i prijedlog je usvojen jednoglasno na Upravnom odboru Grupacije poslodavaca iz oblasti finansija.

Izvršni odbor UPFBiH je na sjednici održanoj 05.04.2017. godine je prihvatio ovaj prijedlog.

Predsjednik Skupštine je otvorio diskusiju u vezi sa ovom tačkom dnevnog reda. Za diskusiju se javio Alija Budnjo, vlasnik Hotela Ilidža i predložio da novi član ESV-a bude novi direktor Sarajevo osiguranja ili neko iz Nadzornog odbora.

Direktor UPFBiH pojasnio je da je novi direktor Sarajevo osiguranja odbio da obnaša tu funkciju, a da u skladu sa internim aktima UPFBiH tu funkciju ne može obnašati član Nadzornog odbora.

Nakon diskusije donesen je sljedeći

ZAKLJUČAK: Razrješenje Midhata Terzića i imenovanje Ivana Luburića kao novog člana Ekonomsko-socijalnog vijeća za teritoriju FBiH usvaja se većinom glasova članova Skupštine (50 glasova za), 3 suzdržana i nijedan glas protiv.

Tačka 5. Razno

Po ovoj tački dnevnog reda nije bilo diskusije.

Sjednica je završena u 12:50h.

Zapisnik sačinila

Jasmina Kurspahić

Ovjerivači Zapisnika

Željko Marijanović

Vejsil Huremović

Predsjednik Skupštine

Marinko Gilja